



Concello de Betanzos
Praza de Galicia, n.º 1, 15300 Betanzos, A Coruña

Teléfono: 981 770 011

Fax: 981 776 529

web: www.betanzos.net

sede electrónica: <https://sede.betanzos.es>

endereço electrónico: correo@betanzos.net

BASES DO SERVIZO DE CAMPAMENTOS DE VERÁN BETANZOS CONCILIA 2023

OBXECTO

Os campamentos de verán Betanzos Concilia 2023 supoñen unha alternativa de lecer para os/as nenos/as de 3 a 12 anos do municipio de Betanzos, cunha dobre finalidade: a de permitir a conciliación familiar, laboral e persoal das familias betanceiras; e a de ofrecer un espazo de esparcemento para nenas e nenos en igualdade de oportunidades. Tamén persegue contribuír a diminución das desigualdades sociais e favorecer a integración dos/as menores en risco de exclusión social.

Tanto transversalmente como en actividades específicas traballarase a igualdade de xénero e o fomento da lingua galega.

OBXECTIVOS

Os principais obxectivos son:

- Reforzar a igualdade de oportunidades na infancia.
- Favorecer a conciliación da vida familiar, persoal e laboral das familias.
- Promover a integración social dos/as menores en situación de risco.
- Previr situacións de vulnerabilidade e exclusión social nos/as menores.
- Promover o uso da lingua galega e a nosa cultura.
- Desenvolver habilidades sociais en nenos e nenas para relacionarse adecuadamente.
- Fomentar a convivencia e ampliar o marco de relacións dos/as menores.
- Promover o respecto á diversidade.
- Fomentar o desenvolvemento da creatividade e as propias competencias a través do xogo.
- Fomentar a comunicación e a iniciativa capacitando para a toma de decisións.
- Fomentar o respecto pola contorna máis inmediata e pola cidade onde viven e o medio ambiente.
- Fomentar a afección por actividades ao aire libre, exercicio físico, e o traballo en equipo.

PERSOAS DESTINATARIAS

Poderán solicitar a súa participación nos campamentos de verán Betanzos Concilia 2023 as familias de nenas e nenos que se encontren entre os **3 e os 12 anos cumpridos, con datas de nacemento entre os anos 2011 e 2019**, e que reúnan algunha destas circunstancias:

- **Empadroados/as no Concello de Betanzos.** O Concello comprobará a veracidade de dito empadramento.
- **Non empadroados/as** no Concello de Betanzos, unicamente no caso de que quedasen **prazas dispoñibles**, e por orde de inscrición.

Quen teña unha discapacidade igual ou superior ao 33% poderá participar nesta convocatoria sempre que posúa a capacidade de integración nun grupo e que as súas necesidades especiais lle permitan participar e beneficiarse das actividades que se van desenvolver, **o que deberá ser acreditado mediante informe médico, educativo ou social.**

Segundo as subvencións que anualmente destina a Secretaría Xeral de Igualdade da Xunta de Galicia ás entidades locais da Comunidade Autónoma de Galicia para a promoción da igualdade, de forma individual e mediante o sistema de xestión compartida, teranse en conta prioritariamente ás unidades familiares con **ingresos non superiores a 6,5 veces o IPREM 2022**, límite que se **incrementa un 15% máis cando se trate de familias monoparentais ou numerosas.**

LUGAR E DATA

Os campamentos Betanzos Concilia desenvolverase nas dependencias do **CEIP Francisco Vales Villamarín**, e para facilitar en maior medida a conciliación laboral e familiar, realizaranse 3 quendas diferenciadas, de luns a venres agás festivos, do seguinte xeito:

- **1ª quenda:** do 22 de xuño ao 7 de xullo (12 días).
- **2ª quenda:** do 10 de xullo ao 28 de xullo (14 días). Festivo o 25 de xullo.
- **3ª quenda:** do 31 de xullo ao 11 de agosto (10 días).

HORARIO

- Hora de entrada ordinaria: Ás **09:00 horas** ou ás **10:00 horas**.
- Aquelas familias que así o soliciten no formulario de inscrición poderán facer uso dun **servizo de Mañanceiros** sen almorzo e sen custe adicional de **08:00 a 09:00 horas**, **servizo que quedará suxeito a que exista a demanda suficiente para a súa prestación.**
- Hora da recollida: **Flexible entre as 13:00 horas e as 14:00 horas**, para favorecer a conciliación. Non se poderá recoller a ningún/ha menor pasados 10 minutos das 14:00 horas.

PRAZAS

Ofértanse un máximo de **150 prazas**, **50 prazas en cada unha das 3 quendas**. Será necesario un **mínimo de 15 nenos/as** en cada quenda **para realizar a actividade.**

CUSTO

- O custo do servizo será de **50 € por nen/a en cada quenda** de acordo coa Ordeanza fiscal do prezo público n.º 2 e o acordo da Xunta de Goberno Local publicado no BOP da Coruña do 13/07/2015 .
- **Desconto do 20% en cada fillo/a** no caso de **acreditar ser familia numerosa**.
- Reservaranse 15 prazas en total para casos de exclusión social debidamente acreditados polos Servizos Sociais Municipais.

ACTIVIDADES

As actividades terán como **eixo vertebrador a igualdade** entre nenas e nenos, a través de iniciativas lúdicas de ocio e tempo libre (xogos, obradoiros, etc.).

A través do **xogo cooperativo** trataranse valores de respecto, igualdade de oportunidades, resolución de conflitos e o fomento da nosa cultura e lingua galega.

Ademais, realizaranse **visitas** ao campamento e **saídas** a outros municipios galegos.

INSCRICIÓNS

Os prazos de inscrición será o seguinte para todas as quendas:

Do luns 15 de maio ao mércores 31 de maio, ambos días incluídos.

A **documentación** necesaria para realizar a inscrición será:

- Impreso de **solicitud** debidamente cuberto, que poderá obterse en:
 - Sede electrónica do Concello de Betanzos. <https://sede.betanzos.gal>
- Fotocopia da **tarxeta sanitaria** do/a menor.
- **Título de familia numerosa**, se se solicita a bonificación por ese concepto.
- Para as **prazas reservadas por risco de exclusión**, a documentación necesaria para realizar esta valoración e previa **cita no departamento de Servizos Sociais**.

A presentación de inscricións realizarase **preferentemente a través da sede electrónica do Concello de Betanzos** <https://sede.betanzos.gal> **no apartado de Servizos Sociais e no trámite Solicitud Inscrición Campamentos verán Betanzos Concilia 2023.**

Recordamos que para utilizar a sede electrónica é preciso dispoñer de Certificado electrónico, DNI electrónico ou Cl@ve permanente.

Excepcionalmente as persoas que acrediten que non contan cós medios necesarios para realizalo por esta vía, poderán **contactar cós servizos sociais chamando ao 981 77 07 07.**

ADXUDICACIÓN DE PRAZAS

- **Directa:** a adxudicación será directa no caso que non se supere o número de prazas dispoñibles.
- **Sorteo público:** Se o número de solicitudes supera as prazas dispoñibles, antes da publicación da listaxe provisional de admitidos/as realizarase un sorteo público no **Salón Azul do Liceo, o venres 2 de xuño ás 09:30 horas**. Os irmáns e/ou irmás inscritos/as para a mesma quenda participarán no sorteo cunha papeleta única. Así mesmo o sorteo dará lugar a unha lista de agarda.

No caso de que as familias dos/as admitidos/as renuncien á praza obtida por sorteo, chamarase telefonicamente aos/ás integrantes da lista de agarda. No caso de non ser localizados/as tras tres chamadas a diferentes horas, pasarase ao/á seguinte da lista.

No caso de existir prazas vacantes xa iniciada a actividade, as crianzas poderanse incorporar nela despois do comezo do campamento, sempre que se conserve a ratio monitor/a-nena/o.

PUBLICACIÓN DAS LISTAXES DE PERSOAS ADMITIDAS

A **listaxe provisional** de admitidos/as publicárase o **luns 5 de xuño**, tras a realización previa do sorteo público, de ser este preciso.

Darase un prazo máximo de **3 días hábiles para reclamacións e renuncias**. Pasado este tempo, publicárase a **listaxe definitiva**. De non existir reclamacións nin renuncias, a listaxe provisional elevarase a definitiva. En todo caso, esta publicárase o **venres 9 de xuño**.

Ambas listaxes poderán consultarse na **páxina web municipal** <https://betanzos.es> ou nos **taboleiros de anuncios de Servizos Sociais e o Edificio Liceo**.

PAGAMENTO

As cotas pagaranse unha vez aparecido na lista definitiva de admitidos/as o nome do/a neno/a e sempre con anterioridade ao inicio da actividade a través da **Oficina Virtual Tributaria do Concello de Betanzos**.

https://sede.betanzos.gal/sxc/es/procedimientoytramites/tramites/OficinaVirtualTributaria_N

Unha vez nesta plataforma, elixir o trámite "Prestación de servizos" e dentro deste o subapartado "Prestación de servizos - Campamento urbano", **especificando no despregable "Tarifas" para que quenda ou quendas se realiza o pago**.

Para calquera **dúbida** con respecto á Oficina Virtual Tributaria poden poñerse en contacto co departamento de **Servizos Sociais** no **981.77.07.07** ou co departamento de **Tesourería** no **981.77.00.11**.

Unha vez realizado o pagamento, **o xustificante debe enviarse por correo electrónico a** marta.pineiro@betanzos.gal ou entregarse nas dependencias dos Servizos Sociais municipais.

O **prazo máximo** para o pagamento e o envío de xustificante de pago será **o martes 20 de xuño**.

DEVOLUCIÓN DE TAXAS

Unha vez obtida a praza e aboado o prezo da quenda correspondente, **unicamente devolverase a taxa se a/o menor non puidese acudir aos campamentos por causa médica, tras aportación de informe médico correspondente, antes do inicio da actividade.**

REUNIÓNS INFORMATIVAS

Realizarase unha reunión informativa para as familias coa empresa encargada do desenvolvemento do campamento no **Salón Azul do Liceo**:

- **Martes 20 de xuño ás 19:00 horas.**

NORMAS

A inscrición na actividade supón o compromiso de aceptación das normas.

Dereitos das persoas usuarias:

- Bo trato por parte do persoal do servizo e dos/as outros/as usuarios/as.
- A confidencialidade sobre os seus datos sanitarios, económicos e sociofamiliares.
- Proporcionarlle a atención socioeducativa precisa para o seu desenvolvemento integral.
- Favorecer a súa participación no servizo.

Obrigas das persoas usuarias:

- Incorporarse á actividade nos horarios establecidos.
- Non abandonar a actividade sen autorización da persoa responsable.
- Entregar a documentación requirida.
- Para a recollida das/os menores sempre será requirida a comparecencia dalgunha das persoas que figuran autorizadas.
- Respetar as normas establecidas polos equipos de monitores de cada campamento, así como as de réxime interno das instalacións onde se desenvolvan.
- Non transferir a praza asignada.
- Manter unha actitude de respecto e consideración co persoal e cos/as demais usuarios/as.

O incumprimento reiterado das normas establecidas suporá causa de baixa.

A alcaldesa, María Barral Varela.

Betanzos, 5 de maio de 2023.

ANEXO I. SOLICITUDE

SOLICITUDE CAMPAMENTOS DE VERÁN BETANZOS CONCILIA 2023

DATOS DO/A NENO/A

NOME:		APELIDOS:	
DNI/NIF:		TELÉFONO/S:	
IDADE:		DATA NACEMENTO:	
ENDEREZO POSTAL:			
CIDADE:		PROVINCIA:	
		C.P.:	
ENDEREZO ELECTRÓNICO:			
EMPADROADO/A:	<input type="checkbox"/> SI <input type="checkbox"/> NON	PADECE ALERXIA/S?:	SI <input type="checkbox"/> NON <input type="checkbox"/> CAL?:

SOLICITO ASISTIR Á SEGUINTE ACTIVIDADE DE VERÁN

Campamento de verán "Betanzos Concilia", 1ª quenda (3 a 12 anos), do 22 de xuño ao 7 de xullo

Entrada: 09:00 h 10:00 h **Saída:** 13:00 h 14:00 h

Campamento de verán "Betanzos Concilia", 2ª quenda (3 a 12 anos), do 10 de xullo ao 28 de xullo

Entrada: 09:00 h 10:00 h **Saída:** 13:00 h 14:00 h

Campamento de verán "Betanzos Concilia", 3ª quenda (3 a 12 anos), do 31 de xullo ao 11 de agosto

Entrada: 09:00 h 10:00 h **Saída:** 13:00 h 14:00

SOLICITO SERVIZO DE MAÑANCEIROS GRATUITO SEN ALMORZO DE 08:00 A 09:00 HORAS

O almorzo o traerá cada neno/a da casa.

SI NON

INGRESOS DA UNIDADE FAMILIAR

ATA 6,5 VECES O IPREM DESDE 6,5 VECES O IPREM ATA UN 15% MÁIS

AUTORIZO

AO CONCELLO DE BETANZOS A CONSULTAR NO PADRÓN MUNICIPAL OS MEUS DATOS DE EMPADROAMENTO.

SOLICITO BONIFICACIÓN POR RISCO DE EXCLUSIÓN SOCIAL (PRECÍSASE INFORME DE SERVIZOS SOCIAIS, DEBERÁ SOLICITAR UNHA CITA NO MESMO DEPARTAMENTO).

AUTORIZACIÓN PARA A ASISTENCIA (Pai/ nai ou titor/a)

NOME E APELIDOS: _____ **DNI/NIF:** _____

COMO PAI/NAI OU TITOR/A DE: _____

AUTORIZOO/A A ASISTIR A TODAS AS SAÍDAS PROGRAMADAS FÓRA DO LUGAR HABITUAL DE DESENVOLVEMENTO DO CAMPAMENTO.

AUTORIZACIÓN PARA O USO DE IMAXE DO/A MENOR DE IDADE (Pai/ nai ou titor/a)

NOME E APELIDOS: _____ **DNI/NIF:** _____

COMO PAI/NAI OU TITOR/A DE: _____ AUTORIZO NON AUTORIZO

AO CONCELLO DE BETANZOS Á PUBLICACIÓN E REPRODUCCIÓN EN DIFERENTES MEDIOS (PUBLICACIÓNS, PÁXINA WEB, REDES SOCIAIS...) DAS FOTOGRAFÍAS EN QUE APARECE O MEU FILLO OU FILLA PARTICIPANDO EN ACTIVIDADES ORGANIZADAS POLO CONCELLO DE BETANZOS. ESTE MATERIAL GRÁFICO ESTARÁ SUXEITO A USO EXCLUSIVAMENTE EDUCATIVO E DIVULGATIVO.

LUGAR: _____ **DATA:** _____ **SINATURA:** _____

ANEXO II. INFORMACIÓN SOBRE CAMPAMENTOS DE VERÁN BETANZOS CONCILIA 2023

CAMPAMENTOS DE VERÁN BETANZOS CONCILIA (1ª- 2ª- 3ª QUENDA)

Actividades de lecer pedagóxico e de carácter convivencial, con eixo vertebrador a igualdade entre nenas e nenos.

DATAS: 1. ^a QUENDA: 22 XUÑO - 7 XULLO 2. ^a QUENDA: 10 XULLO - 28 XULLO 3. ^a QUENDA: 31 XULLO - 11 AGOSTO (DE LUNS A VENRES, AGÁS FESTIVOS)		LUGAR: CEIP FRANCISCO VALES VILLAMARÍN.
HORARIO: ENTRADA 09:00 HORAS OU 10:00 HORAS – SAÍDA 13:00 HORAS OU 14:00 HORAS. SERVIZO DE MAÑANCEIROS SEN ALMORZO: DE 08:00 A 09:00 HORAS		
IDADES: 3 – 12 ANOS.	+ INFO: 981 770 707	
PRAZO DE INSCRICIÓN: DO 15 AO 31 DE MAIO	COTA: 50 EUROS	
LUGAR DE INSCRICIÓN: SEDE ELECTRÓNICA DO CONCELLO DE BETANZOS.		
PRAZAS: 50 POR QUENDA (REQUÍRESE UN MÍNIMO DE 15 PARTICIPANTES POR QUENDA PARA REALIZAR A ACTIVIDADE).		
INFORMACIÓN SOBRE ADXUDICACIÓN DE PRAZAS E PAGAMENTO DA COTA		
As prazas adxudicaranse de forma directa ou por sorteo público se a demanda excede o nº de prazas. Terán prioridade os/as nenos/as empadroados/as en Betanzos. A adxudicación das prazas publicárase na páxina web https://betanzos.es antes do inicio da actividade.		
É necesario entregar unha copia da tarxeta sanitaria xunto coa solicitude dos Campamentos de verán "Betanzos Concilia".		
As cotas pagaranse unha vez confirmada a praza e antes de iniciar a actividade a través da Oficina Virtual Tributaria do Concello de Betanzos . https://sede.betanzos.gal/sxc/es/procedimientosytramites/tramites/OficinaVirtualTributaria_N		
Unha vez nesta plataforma, elixir o trámite "Prestación de servizos" e dentro deste o subapartado "Prestación de servizos - Campamento urbano", especificando no despregable "Tarifas" para que quenda ou quendas se realiza o pago .		
Para calquera dúbida con respecto á Oficina Virtual Tributaria poden consultar o Anexo III e/ou poñerse en contacto co departamento de Servizos Sociais no 981.77.07.07 ou co departamento de Tesourería no 981.77.00.11 .		
Unha vez realizado o pagamento, o xustificante debe enviarse por correo electrónico a marta.pineiro@betanzos.gal ou entregarse nas dependencias dos Servizos Sociais municipais. O prazo máximo para o pagamento e o envío de xustificante de pago será o martes 20 de xuño .		
As persoas solicitantes que teñan o título de familia numerosa, condición que deben acreditar documentalmente, terán un desconto do 20% en cada fillo/a.		

ANEXO III. INSTRUCCIÓN PARA O PAGAMENTO DO PREZO PÚBLICO POLA PRESTACIÓN DO SERVIZO DO CAMPAMENTO URBANO BETANZOS CONCILIA 2023

<p>A autoliquidación do prezo público pola inscrición no Campamento urbano Betanzos Concilia 2023 realizarase na Oficina Virtual Tributaria do Concello de Betanzos, accesible a través da Sede Electrónica do Concello.</p> <p>Dentro da sección Autoliquidar e pagar taxas da páxina de inicio, cómpre introducir o DNI da persoa solicitante e seleccionar o apartado Prestación de servizos, subapartado Prestación de servizos – Campamento urbano.</p> <p>No despregable Tarifas deberase escoller a quenda ou quendas que procedan segundo o listado de persoas admitidas.</p> <p>En virtude da ordenanza reguladora, as persoas solicitantes que teñan a condición de Familia Numerosa terán unha bonificación do 20% en cada filla/o participante, que non inclúe os servizos de almorzo e xantar. Para aplicala, dentro de cada quenda, no despregable Bonificación deberase escoller a opción Familia Numerosa 20%.</p> <p>A continuación xerárase o documento de pago, que pode descargarse para abonar presencialmente en calquera oficina ou caixeiro das entidades Abanca ou Sabadell ou ben pagarse directamente con tarxeta desde a opción Pagar. En ambos casos, garde o xustificante de pagamento.</p> <p>Deberá realizarse unha autoliquidación por cada filla/o inscrito no Campamento Urbano Betanzos Concilia.</p> <p>Dacordo coa ordenanza reguladora deste prezo público, as cotas de participación ingresaranse no momento en que se adxudique a praza e sempre antes de comezar a actividade.</p> <p>O xustificante de pagamento deberá enviarse ao correo marta.pineiro@betanzos.gal ou ben presentarse nas oficinas de Servizos Sociais do Concello de Betanzos, xunto coa documentación acreditativa da condición de Familia Numerosa (se é o caso) se non se aportou na solicitude.</p>
